

**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**

BANK ISLAM

Amanah Terjamin. Nilai Terhasil.

LEMBARAN MAKLUMAT PRODUK (LMP)

Sila baca Lembaran Maklumat Produk ini sebelum anda memohon dan membuat keputusan untuk memohon Program Kemudahan Bantuan dan Pemulihan Bersasar (TRRF). Pastikan juga anda membaca terma dan syarat di dalam surat tawaran. Sila dapatkan penjelasan dari pihak Bank jika anda tidak memahami mana-mana bahagian di dalam dokumen ini atau syarat-syarat am.

BANK ISLAM MALAYSIA BERHAD

[Registration No. 198301002944 (98127-X)]

Kemudahan Bantuan dan Pemulihan Bersasar (TRRF)

11 Januari 2022

1. APAKAH PROGRAMINI?

- a) Kemudahan Bantuan dan Pemulihan Bersasar (TRRF) ialah program pembiayaan yang direka untuk menyediakan bantuan dan sokongan pemulihan untuk PKS dalam sektor perkhidmatan yang terjejas oleh pengenalan semula langkah-langkah pembendungan COVID-19, kecuali subsektor berkaitan pelancongan dan pelancongan.
- b) TRRF merupakan inisiatif Bank Negara Malaysia (BNM) dengan sejumlah RM 8.0 bilion dana diperuntukkan untuk tujuan tersebut. TRRF disediakan **sehingga 30 Jun 2022 atau apabila digunakan sepenuhnya (yang mana lebih awal)**. Dan di bawah program ini, pelanggan akan ditawarkan produk Pembiayaan Perniagaan-i (BF-i) berlandaskan konsep Tawarruq pada kadar keuntungan tetap.
- c) TRRF ditawarkan kepada PKS Malaysia (sekurang-kurangnya 51% saham dipegang oleh rakyat Malaysia) dalam sektor perkhidmatan yang terjejas oleh pengenalan semula langkah-langkah pembendungan COVID-19 (kecuali untuk subsektor berkaitan pelancongan dan pelancongan), seperti:
 - Perkhidmatan peribadi (contoh: pemberian komputer / barang-barang isi rumah / dobi / pendandan rambut / kecantikan);
 - Aktiviti perkhidmatan makanan dan minuman;
 - Aktiviti kesihatan manusia dan kerja-kerja sosial;
 - Seni, Hiburan dan rekreasi
 - Perniagaan borong dan peruncitan
 - Servis perniagaan (contoh: professional, saintifik dan aktiviti teknikal; pentadbiran dan aktiviti-aktiviti perkhidmatan sokongan)

Nota: Penerima Kemudahan Bantuan Khas (SRF) dan Pembiayaan PENJANA PKS (PSF) layak untuk memohon TRRF tertakluk kepada had pembiayaan agregat hingga RM 500 000 setiap PKS.

- e) Kategori-kategori berikut adalah tidak layak untuk TRRF:
 - Sektor pelancongan dan subsektor berkaitan pelancongan.
 - Sektor pembuatan dan pembinaan.
 - Penerima Pembiayaan Pelancongan PENJANA (PTF).

2. APAKAH KONSEP SHARIAH YANG DIGUNAKAN?

▪ Pembiayaan ini berlandaskan Konsep Tawarruq.

Tawarruq terdiri daripada dua kontrak jual beli. Kontrak pertama melibatkan penjualan aset oleh penjual kepada pembeli secara tertangguh. Selepas itu, pembeli jualan pertama akan menjual aset yang sama kepada pihak ketiga secara tunai.

Konsep Tawarruq dijelaskan dengan lebih lanjut seperti dibawah:-



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**



Amanah Terjamin. Nilai Terhasil.

Pelanggan membeli komoditi daripada Bank berdasarkan kontrak Murabahah pada Harga Jualan Bank. Dalam proses ini, pembelian akan dilakukan oleh Bank sebagai Ejen Pembelian bagi pihak pelanggan. Sebagai Ejen Jualan untuk pelanggan, pihak Bank bertanggungjawab untuk menjual komoditi kepada pembeli komoditi pada harga kos. Hasil daripada urus niaga itu akan diberikan untuk kegunaan pelanggan. Pelanggan bertanggungjawab untuk membayar jumlah yang perlu dibayar daripada transaksi Murabahah mengikut terma-terma yang dipersetujui.

"Komoditi" bermaksud apa-apa komoditi yang diterima oleh Bank contohnya minyak kelapa sawit, resin plastik, getah, biji koko, kacang soya, kayu balak dan logam (tidak termasuk emas dan perak) yang diurusniagakan di mana-mana platform komoditi yang diluluskan oleh Bank. Pembelian dan penjualan komoditi tersebut dibuat berdasarkan mandat yang diberikan oleh pihak pelanggan, di mana Bank sebagai Agen Pembelian dan Agen Penjualan berurusniaga menggunakan Komoditi yang sedia ada dan dibekalkan oleh pembekal komoditi tertakluk kepada polisi-polisi Bank yang terpakai.

▪ **Struktur produk untuk BF-i adalah seperti berikut:**

No	Penerangan
1	Pelanggan memperoleh pembiayaan daripada Bank dan menandatangi dokumen transaksi Tawarruq.
2	Bank membeli komoditi dari Pembekal Komoditi.
3	Bank menjual komoditi kepada pelanggan secara Murabahah pada harga jualan. Dalam proses ini, pembelian akan dilakukan oleh Bank sebagai Ejen Pembelian bagi pihak pelanggan.
4	Bank bertindak sebagai Ejen Jualan untuk pelanggan menjual komoditi kepada Pembeli Komoditi dengan harga kos.
5	Bank mengkreditkan hasil penjualan komoditi tersebut ke akaun Pelanggan.
6	Pelanggan menjelaskan jumlah yang perlu dibayar kepada Bank (hasil penjualan Murabahah) mengikut syarat pembayaran yang telah dipersetujui.

3. APA YANG KAMI PEROLEHI DARIPADA PRODUKINI?

No.	Ciri-Ciri	Butiran
1.	Peruntukan Dana	RM8 billion
2.	Produk Pembiayaan	Pembiayaan Perniagaan-i (BF-i)
3.	Jenis Pembiayaan	Pembiayaan Berjangka
4.	Amaun Pembiayaan	<ul style="list-style-type: none">▪ Sehingga RM75,000 bagi setiap perusahaan mikro; dan▪ Sehingga RM500,000 bagi setiap PKS <p>Nota:</p> <ol style="list-style-type: none">1. Had pembiayaan kolektif terpakai untuk PKS dengan pemegang saham biasa bersamaan atau lebih daripada 20% pegangan2. Tertakluk kepada had agregat kumpulan yang tidak melebihi RM10.0 juta untuk semua skim jaminan Syarikat Jaminan Pembiayaan Perniagaan Berhad (SJPP) termasuk pembiayaan ini, ATAU sekiranya pelanggan telahpun lulus di bawah Skim Jaminan



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**



Amanah Terjamin. Nilai Terhasil.

		<p>Prihatin Kerajaan (GGS Prihatin) sebelumnya, tidak melebihi RM20.0 juta untuk semua skim jaminan SJPP, termasuk pembiayaan ini.</p> <p>3. Kumpulan ditakrifkan sebagai syarikat di bawah kumpulan yang sama melalui pegangan saham (pegangan saham 50% atau lebih), pengarah (yang memberikan jaminan) dan penjamin yang berkaitan.</p>
5.	Tujuan Pembiayaan	<ul style="list-style-type: none"> ▪ Keperluan Modal kerja (WCR); dan/atau ▪ Pembiayaan semula hingga 30% daripada jumlah pembiayaan yang diluluskan <p>Nota:</p> <ol style="list-style-type: none"> 1. Kos dokumentasi guaman dan fi agensi akan dimasukkan ke dalam pembiayaan 2. 30% pembiayaan yang diluluskan boleh digunakan untuk membiayai semula pembiayaan perniagaan yang sedia ada (pembiayaan perniagaan yang sedia ada tidak termasuk pembiayaan yang diperoleh di bawah Dana BNM untuk PKS) 3. Pembiayaan ini tidak boleh digunakan untuk aktiviti-aktiviti berikut: <ul style="list-style-type: none"> i) Pembelian saham; ii) Pembelian tanah/pelaburan hartanah; iii) Pembangunan hartanah; iv) Pelaburan oleh syarikat pegangan pelaburan; v) Aktiviti di mana wang adalah stok di dalam perdagangan (termasuk perniagaan kredit, pemajakan, pemfaktoran dan perniagaan insurans) kecuali pengendali pertukaran wang; vi) Perjudian, minuman keras, tembakau atau aktiviti/produk yang serupa; dan vii) Aktiviti yang tidak patuh Syariah
6.	Margin Pembiayaan	<ul style="list-style-type: none"> ▪ Sehingga 100% pada Keperluan Modal Kerja (WCR) dan/atau ▪ Sehingga 30% ke atas Pembiayaan Semula Pembiayaan Perniagaan sedia ada
7.	Kadar Keuntungan	Sehingga 3.50% p.a. kadar tetap (termasuk 0.5% fi jaminan yang dibiayai oleh pihak Bank)
8.	Tempoh Pembiayaan	Sehingga 7 tahun daripada tarikh pengeluaran (termasuk minimum 6 bulan moratorium ke atas bayaran bulanan)
9.	Cagaran	Tidak diperlukan
10.	Jaminan Perlindungan	<ul style="list-style-type: none"> ▪ PKS: 80% daripada jumlah pembiayaan akan dijamin oleh SJPP. ▪ Syarikat mikro: Pilihan 90% daripada jumlah pembiayaan akan dijamin oleh SJPP.
11.	Sekuriti	<p>Untuk Sdn Bhd:</p> <ul style="list-style-type: none"> ▪ Jaminan Bersama dan Berasingan (JSG) daripada Pengarah dan pemegang saham yang memiliki sekurang-kurangnya tiga puluh peratus (30) saham dalam syarikat. ▪ Penjamin Korporat dengan pegangan melebihi lima puluh peratus (50%) daripada modal saham syarikat. ▪ "Key man/person" tanpa mengira jumlah pegangan saham di dalam syarikat. <p>Untuk Perkongsian:</p> <ul style="list-style-type: none"> ▪ Surat Tuntutan Hak Milik / Akuan, yang mana berkenaan



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**

BANK ISLAM

Amanah Terjamin. Nilai Terhasil.

Contoh pengiraan adalah seperti di bawah: Amaun Pembiayaan : RM 500,000.00 Kadar Keuntungan Kontrak : 3.50% setahun Tempoh : 7 tahun	Moratorium : 6 bulan Bayaran (bermula dari bulan ke 7 hingga bulan ke 84) : RM7,288.53 Harga Jualan Bank : RM568,505.33
Formula untuk pengiraan keuntungan : $\Pi = P \times r \times t$ N	$\Pi = \text{Keuntungan}$ $P = \text{Jumlah Prinsipal}$ $r = \text{Kadar Pembiayaan}$ $t = \text{jumlah hari}$ $N = \text{jumlah hari dalam setahun}$

Nota: Contoh di atas hanyalah untuk tujuan ilustrasi sahaja dan mungkin tidak menunjukkan obligasi pembiayaan sebenar.

4. APAKAH TANGGUNGJAWAB KAMI?

- Anda bertanggungjawab untuk membayar ansuran seperti yang diluluskan oleh pihak Bank.

Contoh (berdasarkan kepada soalan no. 3)

- Ansuran bulanan anda adalah RM7,288.53
- Jumlah keseluruhan pembayaran pada akhir tahun ke 7 ialah RM568,505.33
- Anda tidak perlu membayar sebarang ansuran sepanjang tempoh enam (6) bulan moratorium (prinsipal dan keuntungan). Walau bagaimanapun, prinsipal dan keuntungan akan dimasukkan dalam ansuran bulanan pada baki tempoh.
- Anda bertanggungjawab untuk membayar ansuran bulanan bermula dari bulan ketujuh sehingga penyelesaian sepenuhnya pembiayaan ini. Walau bagaimanapun, anda boleh memilih untuk menyelesaikan pembiayaan ini pada bila-bila masa.

5. APAKAH YURAN DAN CAJ YANG KAMI PERLU BAYAR?

- Duti Setem (seperti yang tertakluk di bawah Akta Setem hasil 1949 [Semakan 1989]).
- Yuran guaman dan pengeluaran termasuk fi kepada firma guaman untuk penyediaan dokumentasi pembiayaan, pendaftaran gadaian, carian pejabat tanah dan carian kebankrapan (sekiranya berkenaan).
- Fi takaful (sekiranya berkenaan).
- Fi agensi berjumlah RM50.00 bagi setiap urusniaga Tawarruq.
- Anda diminta untuk membayar kepada Bank semua kos (jika ada) untuk penyediaan dan pendaftaran dokumen keselamatan yang telah ditanggung oleh Bank berkaitan dengan kemudahan tersebut termasuk semua perbelanjaan yang dikeluarkan semasa proses tuntutan jika kemudahan tersebut dibatalkan.

6. APAKAH YANG AKAN BERLAKU JIKA KAMI GAGAL MEMENUHI TANGGUNGJAWAB KAMI?

Sekiranya anda gagal untuk memenuhi tanggungjawab anda tepat pada masanya, berikut adalah terpakai :-

- Sekiranya berlaku kemungkiran**
 - Bank boleh melalui notis bertulis, meminta pembayaran segera terhadap jumlah tertunggak sama ada daripada anda dan/atau penjamin (jika ada).
 - Bank berhak untuk mengambil deposit anda atau dari mana-mana akaun anda yang diuruskan oleh pihak Bank untuk menyelesaikan bayaran tertunggak di bawah pembiayaan ini.
 - Tindakan undang-undang akan diambil sekiranya anda gagal untuk memberi maklum balas terhadap notis peringatan. Bank akan menggunakan haknya ke atas sebarang jaminan yang dijanjikan dengan Bank dan anda akan menanggung semua



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**



Amanah Terjamin. Nilai Terhasil.

- kos yang terlibat. Anda juga bertanggungjawab untuk menanggung sebarang kekurangan. Sebarang tindakan undang-undang ke atas anda boleh memberi kesan kepada penarafan kredit yang membawa kepada penilaian kredit masa depan yang lebih sukar atau mahal; dan
- d) Mencetuskan kemungkinan bersilang terhadap kemudahan lain dengan Bank.

▪ **Pembayaran Lewat**

Bank akan mengenakan Ta'widh (Gantirugi untuk bayaran lewat) ke atas anda seperti berikut: -

a) **Sebelum tarikh matang kemudahan**

Jumlah yang bersamaan dengan satu peratus (1%) setahun dikira ke atas tunggakan ansuran sehingga tarikh penyelesaian penuh.

Formula:

Bayaran tertunggak \times 1% \times Jumlah hari tertunggak / 365

b) **Selepas tarikh matang kemudahan**

Jumlah yang bersamaan dengan kadar semasa semalam hari Pasaran Wang Antara Bank Secara Islam dikira ke atas baki kemudahan iaitu baki Harga Jualan setelah ditolak ibra' (rebate) (jika ada).

Formula:

Baki Harga Jualan (tolak ibra'(rebate)) \times Kadar semasa semalam hari Pasaran Wang Antara Bank Secara Islam \times Jumlah hari tertunggak / 365

c) **Hutang selepas penghakiman**

Jumlah yang bersamaan dengan kadar semasa semalam hari Pasaran Wang Antara Bank Secara Islam ke atas jumlah asas penghakiman dikira dari tarikh penghakiman sehingga tarikh penyelesaian penuh.

Formula:

Baki Harga Jualan (tolak ibra'(rebate)) \times Kadar semasa semalam hari Pasaran Wang Antara Bank Secara Islam \times Jumlah hari tertunggak / 365

Nota : Pengenaan Ta'widh adalah mengikut cara yang diluluskan oleh Bank Negara Malaysia dari semasa ke semasa.

7. BAGAIMANA SEKIRANYA KAMI MENYELESAIKAN SEPENUHNYA BAKI PEMBIAYAAN SEBELUM TARikh MATANG?

- Ibra' (Rebate) akan diberikan ke atas penyelesaian awal atau penebusan awal kemudahan pembiayaan tersebut.

Formula Ibra' (Rebate):

Ibra' (rebate ke atas penyelesaian awal pembiayaan) = Keuntungan Tertangguh.

Nota:

- Keuntungan Tertangguh = Jumlah Keuntungan Dikontrakkan – Keuntungan Terakru.
- Jumlah Keuntungan Dikontrakkan = Harga Jualan – Harga Belian (atau Jumlah Pembiayaan)
- Keuntungan Terakru dikira berdasarkan kadar keuntungan efektif ke atas baki Harga Belian (atau Jumlah Pembiayaan) yang telah dibayar(atau digunakan).

- Bank tidak mengenakan tempoh terikat untuk pembiayaan ini dan caj/yuran tidak dikenakan bagi penyelesaian awal pembiayaan sebelum tarikh matang.

8. ADAKAH KAMI MEMERLUKAN PENJAMIN ATAU CAGARAN?



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**



Amanah Terjamin. Nilai Terhasil.

Cagaran tidak diperlukan untuk program ini. Walaubagaimanapun, pihak Bank memerlukan 80% jaminan daripada SJPP dan jaminan lain sebagai sekuriti tambahan seperti yang dinyatakan dalam Soalan 3 (bil. 11 Sekuriti).

9. APA YANG PERLU KAMI LAKUKAN JIKA TERDAPAT PERUBAHAN MAKLUMAT UNTUK MENGHUBungi KAMI?

Adalah penting bagi anda untuk memaklumkan kepada Bank dengan kadar segera mengenai sebarang pertukaran maklumat untuk dihubungi bagi memastikan anda menerima semua surat-menyerat tepat pada masanya.

10. DI MANAKAH KAMI BOLEH MENDAPATKAN BANTUAN ATAU PENYELESAIAN?

- Jika anda menghadapi kesukaran untuk membuat pembayaran, anda perlu menghubungi pihak Bank seawal mungkin untuk berbincang berkaitan dengan pilihan-pilihan pembayaran. Anda boleh menghubungi kami di:

Perbankan PKS

Bank Islam Malaysia Berhad

Tingkat 16, Menara Bank Islam
No 22, Jalan Perak,
50450 Kuala Lumpur
Faks: 03-2688 2711
E-mel: sme-assist@bankislam.com.my

- Sebagai alternatif, anda boleh mendapatkan khidmat Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia untuk menyediakan perkhidmatan dan pengurusan wang percuma, kaunseling kredit, pendidikan kewangan dan penstrukturran hutang untuk PKS. Anda boleh menghubungi AKPK di:

Agensi Kaunseling dan Pengurusan Kredit (AKPK)

Tingkat 5 dan 6,
Menara Bumiputra Commerce
Jalan Raja Laut,
50350 Kuala Lumpur.
Tel.: 603 -2616 7766
Faks: 603-2616 7601
Laman web: www.akpk.org.my

- Untuk membuat aduan berkaitan dengan produk atau perkhidmatan yang kami sediakan, sila hubungi kami di:

Pusat Panggilan dan Khidmat Pelanggan

Bank Islam Malaysia Berhad

Tingkat 17, Menara Bank Islam
No 22, Jalan Perak,
50450 Kuala Lumpur
Tel.: 03-26 900 900
Faks: 03-2782 1337
E-mel: customercare@bankislam.com.my

- Jika anda tidak berpuas hati dengan jawapan kami terhadap soalan atau aduan anda, anda boleh menghubungi Bank Negara Malaysia melalui LINK atau TELELINK di:

Block D, Bank Negara Malaysia,

Jalan Dato' Onn,



**LEMBARAN MAKLUMAT PRODUK
Kemudahan Bantuan dan Pemulihan Bersasar (TRRF)**



Amanah Terjamin. Nilai Terhasil.

50480 Kuala Lumpur.

Tel.: 1-300-88-5465

Faks: 03-2174 1515

E-mel: bnmtelelink@bnm.gov.my

11. DI MANAKAH KAMI BOLEH MENDAPATKAN MAKLUMAT LANJUT?

- Sebarang maklumat lanjut mengenai program kami, sila rujuk cawangan-cawangan kami atau menghubungi:

Pusat Panggilan dan Khidmat Pelanggan

Bank Islam Malaysia Berhad

Tingkat 17, Menara Bank Islam,

No. 22, Jalan Perak,

50450 Kuala Lumpur.

Tel.: 03-26 900 900

E-mel: contactcenter@bankislam.com.my

**NOTA PENTING: TINDAKAN UNDANG-UNDANG BOLEH DIAMBIL KE ATAS ANDA JIKA
ANDA GAGAL MEMBUAT BAYARAN BAGI KEMUDAHAN PEMBIAYAAN ANDA.**

Maklumat yang disediakan di dalam Lembaran Maklumat Produk ini adalah sah setakat 11/01/2022.

Pengesahan Penerimaan oleh Pelanggan

.....
Nama:

No. Kad Pengenalan:

Tarikh:

